





事物紀原集類卷第四

此五部共一百六十七事



平陽通判成安李景世

經籍藝文部第十七凡四十四事



文字

淮南子曰蒼頡之初作書以辨治百官。領理萬事。愚者得以不忘。智者得以志遠。史曰昔者蒼頡作書而天雨粟。又曰見鳥跡而知著書。呂氏春秋曰蒼頡作書。注云蒼頡生而知書。寫倣鳥跡以造文字。黃帝內傳曰帝熱虫尤。因命蒼頡造文字以變質。帝玉世紀曰蒼頡取像鳥跡始作文字。李瀚蒙求曰蒼頡黃帝下臣觀鳥跡以作文字。鬼夜哭。龍潛。晉衛恒曰昔在黃帝創制造物有沮誦蒼頡始作書。蓋觀鳥跡以興



思世本亦曰沮誦者頡造書。宋衷云皆黃帝史也。字源曰太  
昊時始有文字。或云蒙黃帝變古為文字。又曰庖犧氏獲景  
龍作龍書。炎帝因嘉禾作穗書。蒼頡變古文。馮鳥跡作鳥跡篆。吳  
作鸞鳳書。取似古文。高陽作科斗書。堯因軒轅龜圖作龜書。夏  
后氏作形似篆。商務光作倒薤篆。今曰薤葉。周瑞赤雀丹鳥  
作鳥書。又媒氏作填書。今曰勒字。書斷曰古文黃帝史蒼頡  
作大篆。周宣王史史籀作小篆。秦丞相李斯作八分。秦羽人  
上谷王次仲作隸書。秦獄吏下邳程邈作飛帛。漢左中郎將  
蔡邕作草書。漢黃門令史史游作行書。後漢潁川劉德升作  
草書。王右軍云其先出杜氏。名伯度。趙壹云興於秦末。或云  
漢時杜伯度發草所傳。曰章帝所好。名章草。常誕謂之草聖。  
漢與有之。不知誰作也。曰斷謂如淳之作。起草為篆。草書蓋起

于此。一說李斯又作刻符書。雲頭鳥脚。斯及趙高俱善之。漢  
章帝時曹喜作垂露。張芝針二體。晉王羲之作龍爪篆。山胤作

花篆。魏鍾繇作正書。以隸。漢蔡邕見門吏帛飛。因成字。故名

飛帛。劉公嘉話曰飛帛始於蔡邕。在鴻都學見匠人施墨帚

遂初。意焉。唐會要曰正觀十八年五月。太宗為飛帛書。作鸞

鳳蝶龍等字。蓋自是始改舊體。又李陽冰論篆云。秦始皇時

王次仲作八分。蕭子良云。漢靈帝時人。與秦人同姓名。鍾繇

謂之章程。繇善隸書。始為楷法。鶴頭偃波二書。繇又善八分。

有隼尾行書。亦繇作。謂之行押。或曰秦程邈變篆作隸。李滄

云。邈字元岑。始皇用為獄吏。得罪雲陽獄中。幽囚十年。改篆

為隸。今楷字是也。翻道元水經曰。臨淄有人發古塚。棺前隱

起為隸字。言齊太公六代孫胡公之棺。唯三字是古。餘同今



字元則謂證知隸字出於古非始於秦也其餘諸家體法更有百餘種各記所作見太平御覽也孟詵錦帶前書載周處云小篆秦徐邈造刻符扶風曹喜造籀書周柱下史所造

圖書

易曰河出圖洛出書聖人則之張晏曰庖犧氏將興神龍負圖而至帝王世紀曰黃帝游於洛水上見大魚然五牲祭之雨七日夜魚流始得圖書春緯云河以通乾出天苞洛以流坤出地符河龍圖發洛龜書發孔安國以為河圖八卦是也洛書九疇是也

書契

尚書序曰古者伏犧氏之王天下也始畫八卦造書契以代結繩之政帝王世紀曰伏犧氏仰觀象於天俯察理於地觀鳥獸之文與地之宜近取諸身遠取諸物於是造書契

五經

太昊始畫八卦則易之始也又有網罟之歌則詩之始也伏犧神農黃帝之書謂之三墳則書之始也易始八卦而文王六十四故謂之周易蓋夏曰連山商曰歸藏周曰周易故也濟南伏生以其上古之書故曰尚書毛公傳詩以名家而鄭康成箋之故曰毛詩然則五經或因或作而成於仲尼秦焚六籍班班僅存書亡其半詩亡者六篇春秋偶完而禮樂之書無復遺文易以下筮故得全今禮記又雜出於漢儒如月令之出於呂不韋蔡邕王肅則以為周公作漢文帝令諸儒博士作王制子思作中庸劉瓛云公孫尼子作緇衣而樂記一篇司馬遷以為公孫洪所記著以為樂書在八書之一它皆錯雜出自漢世也



四部

今崇文所錄書具經史子集為甲乙丙丁四部者蓋始於晉李充按晉書李充傳充為著作郎時典籍混雜充以類相從分為四部此蓋其始也續事始曰魏武置四庫圖書分甲乙丙丁為部目藏之錄云晉祕書監荀勗因魏中經更以四部別之惠懷之亂及李充始加刪正荀勗助四部之法總以甲乙為次也

巾箱

南史齊衡陽王鈞嘗親手細書五經部為一卷置巾箱中侍讀賀玠曰殿下家有墳素復何細書別藏巾箱鈞曰巾箱中檢閱既易且更手寫則永不忘矣諸王聞之爭效為巾箱今謂籍之細書小木者為巾箱始于此也

脫古字

石經

漢靈帝詔諸儒校定五經鐫石以刊其文命蔡邕等書為古文篆隸三體立於太學門謂之石經

印板

筆談曰板印書籍唐人尚未盛為之自馮道始印五經之後典籍皆為板本即唐始為板印矣五代會要曰後唐長興二年二月中書門下奏請依石經文字刻九經印板也

八卦

易繫辭曰兩儀生四象四象生八卦又曰庖犧氏之王天下也始作八卦以通神明之德以類萬物之情孔安國序尚書曰伏犧始畫八卦史記太史公自叙曰伏犧至純厚作易八卦董巴議曰昔伏犧始造八卦作三畫以象二十四氣禮緯



含文嘉曰伏犧德合上下天應以鳥獸文章地應以河圖洛  
書伏犧則而象之始作八卦王子年拾遺記曰伏犧坐於方  
壇之上聽八風之氣乃畫八卦

六十四

帝王世紀曰炎帝重八卦之數究八八之體為六十四卦史  
記周本紀曰西伯囚姜里蓋益易之八卦為六十四揚子法  
言易始八卦而文王六十四孔穎達周易正義曰重卦之人  
王弼以為伏犧鄭玄以為神農孫盛以為夏禹史遷以為文  
王說卦云昔者聖人之作易也幽贊於神明而生蓍謂伏犧  
也又繫辭之論用蓍云四營而成易十有八變而成卦明用  
蓍在六爻之後非三畫之時夫昊始有蓍筮則伏犧重卦明  
矣穎達以謂王弼以伏犧既畫八卦即自重為六十四卦為

得淮南子亦曰八卦可以識吉凶知禍福矣而伏犧為之六  
十四變不然周官太卜三易二曰歸藏杜子春以為黃帝書  
而其卦六十四安得與周同也

餘文

繫辭曰易之興也當商之末世周之盛德耶當文王與紂不  
事耶司馬遷曰文王囚而演易揚子法言曰文王重易六爻  
漢書揚雄傳曰文王附六爻藝文志曰文王重易六爻作上  
下篇按升之六四以王用享于岐山謂文王也文王之追王  
在克商之後明夷之六五以箕子之明夷箕子之囚在纣兵  
之時二者非文王所及也乾鑿度曰垂皇者犧卦道演德者  
交通卦驗曰蒼牙通靈昌之感蓋言卦繫辭文王作也春秋  
左氏傳曰韓宣子適魯見易象云吾乃知周公之德蓋言卦



文辭周公作也。易更三聖，不言周公。穎達謂伏羲子業故也。

十翼 漢書藝文志重易作上下篇。孔氏為之。象象繫辭序卦之屬。

凡十篇。孔穎達周易正義曰：象象十翼，以為孔子所作。謂上

象、下象、彖、上象、下象、四、上繫、下繫、六、文言、七、說卦、八、

序卦、九、雜卦、十也。

二禮

通典曰：周公攝政六年，致太平，述文武之德，制周官及儀禮。

孔子時已不能具，秦平天下，收儀禮歸之咸陽，故得不亡也。

春秋

杜預春秋序曰：春秋者，魯史記之名也。孟子曰：晉謂之乘，楚

謂之檮杌，而魯謂之春秋。事始據此云。起自周公旦，尚書亦

亦曰：孔子約史記而修春秋。

論語

孔子沒，七十子之傳會集夫子之言，以為論語。蓋其書成於

曾參有若，故其文每至二子所記，多曰曾子、有子。它則皆字

也。唐初宗元亦謂成於曾子。子思之徒，國朝翰林鄭學士辨

亦謂論語成於曾子。不然，曾子弟子所記也。思按成於有子，曾子為是鄭言非也。

孝經

史記仲尼弟子傳曰：曾參字子與，孔子以為能通孝道，故授

之業。作孝經，蓋孝經以曾子故作也。

爾雅

郭璞爾雅序曰：興於中古，隆於漢代。豹鼠既辨，其業亦富。大

抵解詁詩入之旨。或曰：周公作，以其文考之，如瑟考、桐考、衛



武公之詩也。猗嗟名考。齊人刺魯莊公也。而文皆及之。則周公安得述也。承謂當是出於孔子刪詩書之後。亦西京雜記曰。郭偉謂爾雅有張仲孝友。張仲宣王時人。則非周公之制明矣。劉子駿以問揚子雲曰。孔子門徒游夏之傳所記以所詰六藝者也。劉向以為外戚傳稱史佚教其子以爾雅小學。又記言孔子教魯友公學爾雅。爾雅之出遠矣。舊傳學者皆云。周公所記也。張仲孝友之類。後人所足耳。

御製

家語。舜作南風之詩。此則御製之始也。

子

文心雕龍曰。鸞熊作書題曰。鸞熊子。蓋周初入。此名子之始也。

史

呂氏春秋曰。蒼頡造史。帝王世紀曰。黃帝時造史。蒼頡始作文字。史官之作。蓋自此始。記其言行策而藏之。則史之原起于黃帝。

實錄

三代之王。有左右史記其言動。漢武有禁中起居。明帝有起居注。而無名實錄者。唐藝文志所載實錄。自周興嗣梁皇帝實錄為始。則其事自茲以為始也。

著書

史記。太史公自叙曰。昔西伯拘於羑里。演周易。則著書之始也。

類事

證古類事。其始本出於梁沈約之徒。屬辭比事。往往成編。故



唐白居易倣之爲六帖

山海經

其文所記皆山川草木鳥獸之奇疑禹治水所過所見而識之。莊子所謂齊諧者志怪也。禹知而名之。益見而記之。當是此也。其書盛行於漢氏。自劉向辨貳負之屍始也。

音韻

筆談曰音韻之學自沈約爲四聲及天生梵學入中國其學漸密也。

切字

又曰切字本出於西域漢人訓字上曰讀如某字未用反切然古語已有二聲合爲一字如不可爲巨如是爲尔而巳爲耳之乎爲諧之類以西國二合音蓋切字之原也如與字從

似

而犬亦切音始與聲俱生莫知從來也

聲

切韻

陸法言切韻序曰隋開皇初劉臻等八人論法言論及音韻法言記之後取諸家字書所記定爲切韻五卷其書成於仁壽元年唐天寶十三載孫愐增修目曰唐韻

請詣

押韻

張孟押韻後序曰押韻肇自顏魯公迄于聖宋蓋孟在天聖中准宋韻重編集也

玉篇

梁大同九年三月顧野王撰也唐上元元年甲戌九月孫強又增加字云

詩



樂書曰伏羲之樂曰立基神農之樂曰下謀夫樂必有章樂章之謂詩始於太昊之世

五言

李翰蒙求曰李陵初詩始變其體作五言格也其始亦本於詩此此彼有屋款款方有穀之類六帖曰谷永始作六言亦詩公尸來燕來寧之類也

七言

劉義慶世說曰王子猷詣謝公云詩何七言子猷曰昂昂若千里之駒泛泛若水中之鳧此語出離騷東方朔傳曰漢武在柏梁臺上使群臣作七言七言之作始起于此也

律格

本事詩載李白誦詩云梁陳以來艷藻斯極沈休文又尚以

聲律唐宋之間傳曰建安江左詩律屢變至沈約庾信以音律相婉附屬對精密及之間沈佺期又回忌聲病約句準篇則律格之始原于約信而成於沈宋也

聯句

自漢武爲柏梁詩使群臣作七言始有聯句體梁何遜集多有其格唐文士爲之者亦衆凡聯一句或二句亦有對一句出一句者五字之歌有其一其二之文則又聯句之體也其事見于夏書五子之歌始於漢武柏梁之作而成于何遜也

唱和

帝舜與皋陶乃唐載歌則唱和之初也乃本於詩之籥兮倡予和之義其事新見於齊梁時顏延年謝元暉始之也

次韻



顏延年謝元暉作詩相倡和。皆不次韻。至唐元稹作春深二十首。並用家花車斜四字為韻。白居易劉禹錫和之。亦用其韻。及今孤楚和詩。多次其韻。宋朝真宗時。楊內翰億謂次韻于此也。見談苑。

賦

詩序六義次二曰賦。蓋謂直陳其事。左傳言鄭莊公入而賦。大隧之中。是後荀卿宋玉之徒。演為別體。因謂之賦。故昔人謂賦者。古詩之流。以荀宋為始。漢書曰。不歌而頌曰賦。釋名曰。敷布其義曰賦。

論

文心曰。昔仲尼微言。門人追記。目為論語。蓋群論立名。始於茲矣。注周之書。有嘗試論之。荀卿有正論。賈誼有過秦論。

以荀賈為始

策

事始云。起自漢武帝策董仲舒。始以其文曰。興自朕躬。故也。按前漢書有鼂錯賢良策。暨文帝策之曰。興自朕躬。則策始於漢文帝之策。鼂錯也。

議

管子曰。軒轅有明堂之議。此蓋疑為議之始也。

讚

文心曰。昔虞舜重贊。及益贊于禹。伊陟贊于巫咸。並揚言以明事。嗟嘆以助辭。故漢置鴻臚。唱拜為贊。如相如之贊。荆軻班固之褒貶以讚。皆取益贊于禹之義。要之。自司馬相如贊荆軻始。



頌

詩序六義其六曰頌。蓋頌者美盛德之形容。以其成功告于神明者也。詩有商周魯三頌。文心曰。昔帝嚳之世。咸黑為頌。以歌九格。則頌起于帝嚳也。

箴

文心曰。軒轅與凡以弼不逮。即為箴。又曰。斯文之興。盛於三代。夏商二箴餘句尚存。及周辛甲百官箴。闕虞人之箴。體義備為。

連珠

傳玄曰。連珠興於漢章帝。班固賈逵傳毅皆受詔作之。體則假喻達旨。賢者微悟。欲使歷歷如貫珠。易覩而可悅。故曰連珠。梁沈約云。連珠之作。始自揚子雲。歐陽詢作藝文類。中亦

事物紀原集卷第八  
八凡三門分七事

爵

有楊雄連珠。則為斯文之興。不自漢章明矣。

官爵封建部第十八 凡二十八事

公侯伯子男。謂之爵。唐虞輯五瑞。修五玉。是五等。自堯舜始也。禮制文嘉曰。殷爵三等。周五等。或謂黃帝立五等也。

封建

公章曰。黃帝分州畫野。得百里之國萬區。唐虞列為五等。此封建之始也。帝王世紀曰。炎帝之世。有諸侯風。史記曰。神農氏世衰。諸侯相侵。則炎帝時。已有諸侯。至黃帝始大封也。陸士衡五等諸侯論略曰。五等之制。始於黃唐。謂黃帝唐堯也。

實封



通典曰。唐封公侯。無國土。其加實封者。則食其所封之戶。分食諸郡。以祖庸調給。沿革曰。魏黃初間。爵自關內侯。不食邑。但虛封而已。故唐因之。加實封。則朝會要曰。唐制。食實封者。戶給練帛。每賜爵遞加一級。唐未及五代。始有特加邑戶。而罷實封之給。今但爲虛名也。

### 戶封

晉書地理志曰。古者有分土。無分民。若乃以戶口爲差降。略封疆之遠近。所謂分民自漢始也。蓋漢艾亡。秦大侯不過萬家。小者五六百戶。則封國之以戶。漢其始也。

### 諸侯

帝王世紀曰。女媧未有諸侯。有共工氏。任智刑以強。借而不王。炎帝世。乃有諸侯。風沙氏叛。炎帝修德。風沙之民。自攻其

君。則建侯分土。自炎帝始也。

### 諸王

古者。天子稱王。周失其道。春秋之時。吳楚之君。始僭稱之。楚世家曰。周夷王時。楚熊渠曰。我蠻夷也。乃立長子康。爲句亶王。紅爲鄂王。執疵爲越章王。厲王暴虐。復去之。至於熊通始僭號。是爲楚武王。此諸侯號王之始也。七雄爭強。亦各稱之。秦至惠王。始稱之。四年。齊魏爲王。十三年。韓亦爲王。秦并天下。號皇帝。除王之名。漢滅楚。始謂之諸侯。王蓋諸侯封王。自楚漢之際也。

### 郡王

事始云。後魏始封功臣爲郡王。以爲王封郡之始。按晉書宗室傳。太康九年。益封子邁爲隋郡王。則其事自晉始矣。然漢



姓功臣之封。而稱某郡王。當自元魏始也。

國公

事始曰。隋文帝始封功臣為國公。

郡公

後漢光武建武十三年。以土無二玉。爵不過公。於是以太原王章為齊公。魯王興為魯公。功臣悉為公。晉始曰。開國郡公也。

開國

由三代至漢魏。諸侯無以國為號。第曰某侯耳。晉令始有開國之稱。故五等皆郡縣開國。陳亦有開國郡公縣侯。伯子男侯。已降無郡封。由唐迄今。因而不改。蓋開國之號。自晉始也。

官

崔寔正論曰。太昊之世。設九庖之官。後有龍瑞。則以龍紀官。左傳郊子之論是也。蓋設官之初。原於伏羲氏也。至唐虞建官惟百。故歷代稱百官焉。

守官

漢有守令。守郡謂以秩未當得而越授之。故曰守。猶今權也。則官之有守。自漢始也。東朝神宗改官制。始正其名。故有行試守三等。通典曰。試。朱正命也。階高官卑。稱行。階卑官高。稱守。

試官

職林曰。唐武后天授二年。凡舉人無賢不肖。咸加擢拜。大置試官。則官之有試。自唐始也。謂之試。取尚書明試以功之意。唐會要曰。天授二年二月十五日。十道使舉人王山輝並授



試官。試官自此始也。又曰。檢校試官。皆神龍已後有之。

檢校

唐書。高祖紀。武德六年四月癸酉。楊恭仁檢校梁州諸軍事。疑檢校之官。自此始也。至太宗紀。正觀中。又有杜淹檢校吏部尚書。杜如晦檢校侍中。唐會要曰。檢校官。神龍後有之。非也。譚賓錄曰。唐陳少遊檢校職方員外郎。充迴紇使。云。郎官之有檢校。自此始也。

知判

職林曰。唐中宗神龍二年。既置員外官。同正員。又有檢校試判等官。知者。云。知某官。判者。云。判某官。兩朝皆循用之。府。監。州。縣。城寨。各以官知判。蓋自唐中宗始也。

流內

通典曰。隋制九品。自太師始焉。謂之流內。則是流內之目。自隋始也。

流外

又曰。凡府寺胥吏守局。既久。積月累勞。故得齒於下品。文中子曰。吏而登位。非古也。推此疑周隋之制。唐有流外勳品。自諸錄事及五省令史始焉。謂之流外。自茲始也。

功臣

筆談曰。賜功臣號。始於唐德宗奉天之役。自後藩鎮下至從軍資深者。例賜之。本朝唯以賜將相。熙寧中。因上尊號。上不允。曰。正如鄉等功臣。何補名實。時吳充為相。請止。從之。自是罷不賜。按今宿衛諸班。真。自押班而下。各有兩字功臣。則宋朝不獨以賜將相也。會要曰。興國元年正月一日。赦文。諸軍



諸使諸道應奉天。及進收京城將士等。並賜名奉天定難功臣。唐兵志曰。德宗幸梁。神策兵有筭。皆號興元元年。從奉天定難功臣。又曰。代宗即位。以射生軍清難。賜名寶應功臣。此蓋其始矣。筆談誤也。

### 勲品

公羊曰。勲品。自齊梁有之。今柱國而下是也。周禮。王功曰勲。蓋取諸此。舊唐書。百官志曰。勲官。出於周齊交戰之際。本以酬戰士。其後漸及朝流也。

### 品秩

自太昊以龍紀官。唐虞建官。惟百。未分品秩。周官以九儀正邦國。自一命至九命。漢自中二千石。止二百石。皆有此。魏文帝延康元年。陳群立九品官人之法。後魏文有從品。孝武自

又此

四品已下。每品為階。北齊九品各分正從。則品秩之原肇於魏陳群也。

### 世廕

尚書大禹謨。皋陶稱舜之德。良賞延于世。則世廕之始。蓋起於有虞氏也。

### 章服

唐車服志曰。高祖初入長安。罷隋竹使符。班銀莧符。後改銅魚。貴賤應召。命隨身。盛以袋。三品已上飾以金。五品已上飾以銀。開元時。中書令張嘉正奏。致仕官佩魚終身。自是賞緋紫者。必以魚。謂之章服。

### 服色

隋禮儀志曰。大業元年。煬帝詔牛洪。宇文愷等。創造章服。差



等五品已上通着紫袍六品已下兼用緋綠胥吏以青庶人  
以白屠商以皂士卒以黃二儀寶錄曰隋煬帝詔牛洪等衣  
冠皆有等差三四品通着紫五品朱六品已下綠官吏青庶  
人白商皂服色之分疑自此始而唐書馬周傳云品官舊止  
黃紫周於是建白三品服紫四五品朱六七品綠八九品青  
則又其別為自馬周始矣筆談曰中國衣冠自北齊全用胡  
服窄袖緋綠此蓋其始也

### 堂除

續事始曰舊制內外皆吏部授自隋以來五品以上官中書  
門下訪擇聞奏然後下制肅宗復令中書以功除官今謂堂  
除也

### 考績

起于虞舜三載考績之文故今官以考定第一歲為考四考  
而遷謂磨勘也

### 循資

唐選舉志開元十八年裴光遠始作循資格而賢愚一槩必  
與格合乃得銓授限年躡級不得踰越于今以為制也

### 致仕

尚書咸有一德曰伊尹既復政厥辟告歸疏云告老致政事  
于君此臣下致仕之初也至周乃有大夫七十致仕之禮其  
事自伊尹始

### 折俸

周朝會要曰唐正元四年定百官月俸僖昭之亂國用窄闕  
天祐中止給其半後唐同光初孔謙以軍儲不充百官俸錢



數多而折之非實請減半數而支實錢是後所支半實俸復從虛折宋朝約後唐所定其非兼職者皆一分實錢二分折支景德罷兵之後始詔俸當給他物者京師每一千給實錢六百在外四百則今折俸之始也祥符五年十一月詔又定加文武官月俸

勳階寄祿部第十九凡三十事

開府

漢文帝元年用宋昌為衛將軍位亞三司後漢章帝建初三年使車騎將軍馬防班同三司同三司自此始也殤帝延平元年鄧騭為車騎將軍儀同三司儀同之號自此始也魏黃權以車騎將軍開府儀同三司蓋漢制唯三公開府至魏以餘官其儀同三公故以為號由此歷代以名官唐武德七年

以為散官

特進

漢氏諸侯有功德優盛朝廷所敬異者賜位特進在三公下隋文帝以為散官

金紫

魏晉以來有左右光祿及光祿大夫皆銀印青綬重者詔加金章紫綬因稱金紫光祿大夫後周以為散官

銀青

漢有光祿大夫皆銀印青綬魏晉之代亦有金紫之別故號銀青光祿大夫後周時為散官

光祿

秦置光祿勳屬官有中大夫漢武太初元年更名光祿大夫



歷代不改。後周始以為散官。

正議

隋置正議大夫為散官。取秦大夫掌議論之義。國朝會要曰。太平興國元年。詔改為正奉。神宗正官名。復曰正議也。

通議

亦隋所置散官。其命名之義同正議。宋太宗太平興國元年。始詔改為通奉。神宗復曰通議。

太中

秦官也。掌議論。而劉向說苑有晉太中屠餘。晉平公之駟。則晉亦有其官矣。當是晚周列國之官。秦以太中為大夫也。

中大

中大夫。亦秦置。為光祿勳屬官。前漢文紀。後元五年。有中大

夫令免。漢書載趙中大夫白公。涇為渠。

中散

王莽所置官也。或云。漢有中散大夫。

朝議

隋置散官。取諸大夫以上。得奉朝議以為名。

朝請

通典曰。漢竇嬰為朝請。竇太后憎嬰。門籍不得入朝請。此其始也。漢律諸侯。春朝天子曰朝。秋曰請。又曰。奉朝請無負。本不為官。漢東京罷省三公。外戚皇室諸侯。多奉朝請。奉朝請者。奉朝會請召而已。隋開皇中。罷奉朝請。置朝請大夫為散官。取漢公卿年高德重者。以列侯奉朝請之義也。

朝散



亦隋所置為散官也

朝奉

國朝會要曰太平興國元年詔改唐朝議大夫為朝奉大夫

朝請郎

通典曰朝請郎亦隋官蓋採晉宋齊梁奉朝請之名也

朝散郎

亦隋散官也

朝奉郎

國朝太平興國初改唐朝議郎為朝奉郎

承議

通典曰隋所置舊唐書百官志曰唐武德七年改隋文騎尉為承議郎

奉議

隋散官有通議郎舊唐書志曰正觀十一年定令唯改通議郎為奉議郎通典作奉議郎神宗正官制亦曰奉議

通直

通典曰隋所置蓋採晉宋以來諸官皆有通直之名官品高下通為宿直也舊唐志曰武德七年改隋比騎尉為通直郎

宣德

亦隋置散官也

宣義

唐改隋游騎尉為宣義郎取梁宣義將軍之名

承事

漢昭帝時任官為丞相徵事捕斬上官桀注云徵事丞相屬



官。隋置徵事郎。蓋取諸此。漢朝避仁宗嫌名。改曰承事。漢朝會要曰。乾興元年。詔改也。

承奉

隋文帝置唐因之。宋朝元豐新制。改太常寺太祝奉禮部。為

承奉郎

承務

唐置。因隋尚書省二十四司。承務郎之名也。古二十五階。國朝元豐中。神宗改正官制所定。以為寄祿格。元祐初。各分左右。紹聖二年。復舊也。

二柱國

楚寵官也。懷王使柱國昭陽攻齊。陳軫問曰。楚國何貴。昭陽曰。上柱國是也。後魏孝莊始立。柱國大將軍。後將軍官廢。有

八柱國。後周建德四年。又增置上柱國大將軍。隋置上柱國。柱國以勳勳勞實不理事。故唐以為勳官。

二護軍

秦有護軍都尉。漢以陳平為護軍中尉。蓋統諸將。歷代為將領之任。舊唐書志曰。武德七年。定令改秦齊王下統軍為護軍副。為副護軍。蓋未為勳官也。又有上大將軍。大將軍。正觀十一年。改上大將軍為上護軍。大將軍為護軍也。按漢百官表。護軍都尉。哀帝更為司寇。平帝元始元年。更為護軍也。

二輕車

漢武帝初置輕車都尉。始以公孫賀為之。又有輕車校尉。唐採其名。置上輕車都尉。及輕車都尉。舊唐志曰。武德七年。改上開府儀同三司為上輕車都尉。開府儀同三司為輕車都

國

作承隋  
字置四

國

建

護



尉

二尉

漢武帝元鼎二年置騎都尉。初以李陵為之。唐採故事。置上騎都尉。與騎都尉。舊唐志曰。武德定令。改隋儀同三司曰騎都尉。

四尉

謂驍飛雲武四騎尉也。並隋置為文散官。舊唐書百官志曰。武德定令。改隋上大都督為驍騎尉。大都督為飛騎尉。師都督為雲騎尉。都督為武騎尉也。右十二轉。唐以為勳官。與朝

曰之

師保輔相部第二十九二十九事

三師

尚書周官曰。乃立太師。太傅。太保。茲惟三公。晉以為上公。後

魏始號三師

太師

虞官。商時箕子為之。漢官儀曰。紂時胥餘為之。或云胥餘。箕子字也。書微子作誥。太師少師是也。史記曰。周成王為太子。以太公望為太師。續事始曰。史記周文王得呂尚于磻溪。以為師。謂之太師。

太傅

周官。或曰。古官。通典曰。成王時。畢公為之。大戴禮曰。周公始為之。

太保

虞官。杜佑云。商太甲時伊尹為之。文王世子曰。虞有師保是



也

三公

周始有三公。坐而論道。後漢始以大尉司徒司空為三公。或曰王莽時也。

太尉

秦官。河圖錄運法曰。堯坐舟中。與太尉舜觀鳳凰。應劭以為周官皆非也。按禮記月令曰。孟夏太尉贊雉。月令本出于呂不韋。不韋秦相。故知其秦官耳。漢百官表曰。太尉秦官。掌武事者。

司徒

古官也。管子曰。黃帝得祝融南方。使為司徒。少昊以祝鳩氏為司徒。舜之命契曰。汝祿司徒。敬敷五教在寬。

司空

亦古官。管子曰。黃帝得奢龍辨于東方。使為士師。即司空也。少昊鴈鳩氏為司空。舜典曰。伯禹作司空。

三台

傅子曰。黃帝以風后配上台。后吉配中台。五聖配下台。故後世由此以三公為三台。

將相

軒轅本紀曰。帝舉風后為相。力牧為將。此蓋將相之始也。管子曰。黃帝得六相而天下治。虞舜舉元愷而謂之十六相。

重事

唐會要曰。神龍元年五月。制盧欽望加平章軍國重事是也。景雲三年七月。詔竇懷正軍國重事宜共平章。又大和四年。



六月制以裴度為司徒平章軍國重事。是時度勲望高。以疾上相印。又惜之。故有此詔。唐書裴度傳曰。文宗大和四年。加度司徒。平章軍國重事。則是此名。自唐中宗命盧欽望始也。嗣朝元祐初。今上新即位。以文潞公始為之用。前志也。

### 平章

唐有中書門下平章事為宰相之任。蓋行丞相事之類。漢韓彭周為御史大夫行丞相事。後漢周澤行司徒事是也。唐百官志曰。李靖以疾辭位。詔三兩日一至中書門下。平章政事。名官自此始也。會要曰。正觀八年十一月也。又正觀十七年六月。高士廉同中書門下。平章政事。高宗永淳四年四月。待舉等並同中書門下。同承受進止。平章事。上謂參知政事。崔知溫曰。待舉歷任尚淺。且今預聞政事。未可與卿同受名。

稱自此四品已下。知政事者。以平章事為名。唐志以為永淳元年也。

### 參政

唐宰相有參知政事。宋朝以為執政官。唐會要曰。武德元年六月。裴寂知政事。正觀元年九月。杜淹參議朝政。三年二月。魏徵參預朝政。十三年。劉洎始為參知政事。唐太宗本紀云。十一月戊辰也。蓋其命官自劉洎始云。國朝會要曰。乾德二年四月。以薛居正呂餘慶參知政事。先是已命趙普為樞密將用居正等為副。太祖召陶穀問下丞相一等有何官。對曰。唐有參知政事。故以命之。蓋帝意未欲令居正等名位與普齊也。錢若水曰。按唐故事。劉洎為參知政事。宰相任也。高宗用郭待舉。謂崔知溫曰。待舉歷任尚淺。未可與卿等同名。遂



令同平章事。以此言之。平章事。亞參知政事矣。穀不能遠引。漢御史大夫亞丞相。故事失之也。神宗元豐中行官制。除之。左右相。

通典曰。成湯初置二相。以伊尹仲虺爲之。伊尹號阿衡。仲虺爲左相是也。又武丁得傅說。爰立作相。王置諸其左右。書亦稱召公爲保。周公爲師。相成王爲左右。故秦悼武王置左右相。漢高后亦置二相。自此以後。多非尋常人臣之職。唐龍朔元年。改侍中爲左相。中書令爲右相。武后又改尚書僕射爲文昌左右相。開元元年。又爲左右丞相。天寶元年。復爲僕射。又以待中中書令爲左右相。至德初復舊。故今亦以左右丞相呼二揆者。此其始矣。

宰相

此以二字誤應作魏晉

昔周公位冢宰。正百工。以相成王。故有宰相之稱。其事自秦漢始。陳平言宰相。上佐天子。是也。通典曰。春秋之義。尊上公。謂之宰。言海內無不統也。故亦謂上相。陸賈謂陳平曰。足下位爲上相。是也。

丞相

史記。秦本紀。悼武王二年。初置丞相。蓋三代三公之任也。今侍中令僕射。皆其職也。故今亦以爲稱。應劭曰。丞相。承也。相。助也。商鞅書。定分篇云。秦孝公問法令于鞅。鞅有丞相置一法官之語。則丞相之置。已見于孝公時。非悼武王始特置之也。大抵秦所建官云。

相國

亦秦置官。始皇帝立尊呂不韋爲相國。漢初蕭何亦爲之。今



入班呼宰相也

使相

唐睿宗景雲元年始置節度使首以賀拔延嗣領河西至開元中朔方節度牛仙客同中書門下三品節度如故此蓋使相之始也肅宗時郭元振李光弼號使相也

相銜

唐百官志叙曰永淳元年郭待舉本長倩同平章事始以入銜後循之以為故事

當筆

通典曰肅宗至德二年三月宰相分直政事筆人知十日德宗正元五年五月八日又分日一人執筆迄今為故事曰當筆

中堂

唐制宰相常于門下省議事謂之政事堂永淳中中書令裴炎移在中書省開元十一年張說奏改曰中書門下宋朝行官制除其名也

監國史

唐百官志曰正觀以後多以宰相監修國史遂成故事也

樞密

西晉泰始中王景文為中書令兼管內樞密此其名之始也君臣政要曰唐代宗永泰中勅中書省置樞密因置內樞密使後唐莊宗始用郭崇韜分中書兵房置樞密院與宰相分秉朝政自此始用士人凡文事出中書武事出樞密謂之二府朝會要曰開寶九年二月以曹彬為樞密使領忠



武軍節度。樞密帶節度。自此始也。太平興國六年九月。以石  
熙載為戶部尚書充樞密使。文質正官充使。自此始也。

樞相

唐以中官為樞密使。後唐始有帶相印者。則樞  
相之始。自後唐也。又至道三年八月。以曹彬為兼侍中充使。  
大中祥符五年九月。以吏部尚書王欽若。戶部尚書陳堯叟。  
並守本官同平章事充使。儒臣為樞密而兼使相。自欽若始

也。

知樞

宋朝會要曰。周顯德六年。宰相范質王溥並兼知樞密院事。  
又淳化二年九月。以副使宣徽北院使張士遜知樞密院事。  
知院之名。自此始也。

樞副

五代會要曰。梁開平元年五月。改樞密院為崇政院。始命  
副為院使。仍置判官一人。自後不置判官。置副使一人。後唐  
同光元年十月。依舊為樞密。亦為樞密副使。宋朝會要曰。建  
隆元年八月。以趙普為樞密副使。周末闕副使。至是始置。

同知樞

宋朝會要曰。淳化二年九月。樞密使王顯出鎮。以副使溫仲  
舒冠準同知院事。同知之名。自此始也。神宗元豐中。正官名  
不置僕。但以寄祿官一人。知院事。一人同知為副而已。

簽樞

又宋朝會要曰。太平興國四年正月。以石熙載為樞密直學  
士。簽署樞密院事。簽署之名。自此始也。治平中。避英宗嫌名。



改曰發書

宣徽

唐書裴度傳有宣徽五坊小使則宣徽官名已見于元和之時矣唐末洎五代又有南北兩院使晉天福四年以樞密副使張從恩為宣徽使權罷樞密故也蓋唐官云爾朝會要曰唐置宣徽南北院使有副使後唐省副使開寶九年以潘美依前山南東道節度充宣徽北院使節度之領宣徽自茲始也按北史后妃傳叙北齊文宣河清中下嬪有宣徽為婦官之名也

法從清望部第二十一凡三十六事

大學士

唐書李泌加集賢殿大學士泌言學士加太始中宗時張說

事物紀原集卷第九  
凡二門共八十四事

為之按說傳玄宗欲授說大學士辭曰學士本無大稱中宗崇寵大臣乃有之唐百官志曰景龍二年置也蓋其名自中宗時始

學士

漢孔安國序尚書言秦焚書坑儒天下學士逃難解散蓋以斥承學之士也晉陶淵明集有學士祖企謝景夷而晉志不言其官然前亦未聞南史宋謝超宗傳曰齊受禪高帝令撰郊廟歌有聰明學士劉融等陳有德教殿學士北齊有文林館學士後周亦有麟趾殿學士當是其稱始自漢晉而命官起于宋齊也唐初有東宮王府等學士齊王元吉亦有文學館學士此後集賢昭文崇賢翰林等雜置不一貞觀初開文學館以房玄齡等十八人為學士爾朝皆為侍從之臣

則

迄國



直學士

職林曰。唐憲宗朝。張均奏集賢御書院請五品已上為學士。六品已下為直學士。非登朝者為校理。按唐書百官志。儀鳳中。弘文置詳正學士。又曰。武德後。五品已上曰學士。六品已上曰直學士。然則唐初有國之初始有此官。

觀文

歐公歸田錄曰。唐至五代相承。有文明殿大學士。為宰相兼職。又有學士。為諸學士之首。後以文明真宗謚也。更曰紫宸。議者又以紫宸非人臣宜稱。遂更曰觀文。

資政

又曰。王欽若罷參政。真宗特置資政殿學士。以寵之。時寇準在中書。定其官在翰林下。欽若訴于上曰。臣自學士。拜參政。

今無罪而罷班。及在下。是貶也。帝為特置大學士。班在翰林之上。國朝會要曰。景德二年四月。以參政王欽若為資政殿學士。先是欽若求罷。繼以面請。故特置是職。十二月。又以為大學士。

翰林

唐太宗時名儒。時時召以草制待詔。常于北門候進止。號北門學士。明皇改曰翰林待詔。已而改為供奉。開元二十六年。乃為翰林學士。此蓋其始也。職林云。至德後。天子召集賢學士于禁中。草書詔。因在翰林待進止。遂以為名。

承旨

職林曰。至德必後。翰林置學士六人。內年深德重者一人。為承旨。所以獨承密命故也。此疑承旨之始也。而唐百官志曰。



元和中翰林學士以院長一人別承勅旨。或密受顧命為學士承旨。職林又謂德宗正元已後承旨多至宰相。疑唐志為誤。

內翰

唐百官志曰。開元二十六年。改翰林供奉為學士。別置學士院。其後選用益重。號為內相。又陸贄傳。贄入翰林。雖外有宰相。主大議而贄常居中參裁可否。時號內相。則是其稱自陸贄始也。由此今亦呼翰林學士為內相。亦曰內翰。

勅設

筆談曰。京師百官上曰。惟翰林學士勅設用樂。雖宰相無此禮。優伶並開封府黜隸。陳繹除學士。時繹知府。遂不用女優。學士院勅設之不用女優。自繹始也。其事在熙寧中。

端明

職林曰。五代唐明宗初置端明殿學士。如三館之列。初入洛。謂安重誨曰。先帝時馮道何在。曰。近除翰林學士。帝曰。此人朕素諳委。俄拜端明。宋朝會要曰。後唐明宗不知書。每四方章奏。令安重誨讀之。多不曉文義。宰相孔循獻議。置端明殿學士二人。在翰林之上。以馮道為之。太平興國中。緣殿名。改文明。仁宗明道初。改承明殿為端明殿。明年置端明殿學士。又云。明道二年八月。詔特置端明殿學士。始以宋綬充之也。

二侍

通典曰。開元中。馬懷素等侍讀禁中。十三年。集賢院置侍讀學士。其後康子元為侍讀學士。真宗始置此二職于翰林。蓋自揚徽之邢昺始也。東朝會要曰。咸平二年七月。以楊



徽之夏侯嶠並為翰林侍讀學士。邢昺為翰林侍講學士。景德四年八月。以翰林侍講學士邢昺知曹州。此又侍講學士之外使。自昺始也。天禧二年十二月。以參政張知白為翰林侍讀學士。知天雄軍。此又侍讀之外使。自知白始也。唐宋中錫敬宗寶曆二年。充翰林侍講學士。文宗時鄭覃亦為之。

龍圖

東朝會要曰。大中祥符三年七月。以杜鎬充龍圖閣學士。在樞直之上。此其置官之始也。又曰。六年九月。詔龍圖閣學士直學士。結銜在本官之上。初杜鎬之為是職。職在官下。至是陳堯咨上言。故更之。此結銜在上之始也。

小龍

又曰。景德四年八月。以待制杜鎬為龍圖閣直學士。詔班在

樞直之下。少退待制。在知誥之下。並赴內殿起居。由此為內制。此其始也。

待制

唐永徽五年十二月五日。詔許敬宗每日待制于武德殿。此始有待制之名。永泰元年三月一日。勅裴冕等並集賢待制。此始有待制之所。然則蓋唐設官也。

龍制

宋朝會要曰。景德元年十月。以杜鎬成綸充龍圖閣待制。此其命官之初也。或作咸平四年。

直龍

又曰。大中祥符九年十月。以馮元為太子中允直龍圖閣。直閣之始也。



天制

又曰。天聖八年十月。詔特置天章閣待制。始用范諷為之。龍圖。天章。寶文。皆置學士。直學士。而天章學士。率以命人。迄仁宗。世纔主贊一人而已。自後無聞也。

天章待講

又曰。景祐四年三月。詔以賈昌朝等為天章閣待講。比直龍圖閣。此蓋設官之初也。

寶文

英宗治平初。以寶文閣。藏仁宗御書御製。即置寶文閣學士。直學士。及待制之官。蓋始用邵必為學士也。

樞直

職林曰。五代朱梁太祖開平二年。改樞密院為崇政院。始置

直學士。後唐復為樞密院。亦曰樞密院學士。國朝會要曰。後唐同光中。置樞密直學士。同光蓋莊宗時年號也。蓋朱梁崇政院判官之職也。

制誥

唐百官志曰。中書舍人六人。以久次者一人為閣老。判本省雜事。一人知制誥。領進書。開元初。以它官掌詔勅冊命。謂之知制誥。宣宗時。選用尚書郎。蓋先是率用前行正郎。宋朝自司諫正言以上。參用之。官制改其事歸中書舍人。又宋朝會要曰。雍熙四年。以知制誥范杲知京兆府。以知制誥領外藩。自杲始也。續事始曰。開元元年。蘇頌。王琚為紫微侍郎。知制誥。自後以它官為翰林學士。中書舍人。皆稱制誥。

直學士院



宋朝會要曰開寶元年中書李昉知制誥盧多遜並直學士院蓋其始也又作二年十一月

直舍入院

又曰開寶九年十一月以張洎王克正直舍入院此其置職之始也

集賢學士

唐玄宗開元五年始置修書院于集仙殿即置學士員後改集賢亦曰集賢學士通典曰開元五年十一月于乾元殿東廊寫四部書令馬懷素褚元量總其事于麗正殿安置為修書使十六年宴張說等于集仙殿改殿名集賢改修書使為集賢殿書院學士宋朝曰集賢院學士

修國史

唐會要曰自貞觀中始置史館而著作罷史任至顯慶四年三月始詔劉仁軌等修史長安二年劉允濟又稱修國史天祐二年五月二十九日勅史館修撰張策職名稍果不稱內庭密重宜稱兼修國史蓋太宗始置館雖有修史之官尚未以修國史為名也尚宗乃以命仁軌等云鄴城舊事曰北齊神武時魏收自以騎常侍兼中書侍郎修國史

修撰

唐明皇開元八年始置修撰于集賢殿天寶後它官兼史職者亦曰史館修撰吳處厚青箱雜記曰太平興國中趙鄰幾等直史館掌修撰楊文舉為史館編修是時修撰未列于職至道中始以李若拙為史館修撰也

侍講



後漢張酺顯宗時數講于御前。每侍講有敕正之辭。帝常言  
也。酺侍講屢諫正。及他傳往往有侍講禁內之文。名蓋起于此

侍讀

唐明皇開元三年七月。勅每讀史籍中有闕。宜選耆儒博碩  
一人。每日侍讀。故馬懷素。褚元量。更日入直。此侍讀之始也。

直史館

唐會要曰。正觀三年閏十二月。移史館于門下省。其修撰史  
事。以他官兼領。或品卑而有才者。亦直焉。此直史館之始也。

直昭文

國朝會要曰。淳化元年八月二十五日。以呂祐之等直昭文  
館。先是但有直史館。至是始命祐之等分直。備三館職也。談

苑曰。淳化中。復置直史館。疑唐有是職也。

直集賢

唐明皇開元十二年。改麗正修書院為集賢院。增置校理。及  
直院。國朝會要曰。淳化元年八月二十六日。以和彙直集賢  
院。集賢舊無直院。惟江南李氏嘗以朝士任之。至是始置。從  
新置也。談苑曰。淳化中始置。

直秘閣

國朝會要曰。端拱元年五月。詔就崇文院中堂建秘閣。是月  
以宋泌直秘閣。此蓋置官之始也。

校理

唐開元十二年。增置集賢校理。奉朝太宗端拱元年。建秘閣  
即以杜鎬為秘閣校理。此二官之始也。青箱雜記曰。端拱初



以李宗諤為集賢校理。則宋朝集賢校理自宗諤始也。  
說書

宋朝會要曰：景祐元年二月，詔以賈昌朝等為崇政殿說書。  
明道元年，翰林待講孫奭年老乞外郡，上問誰可代充講官。  
與舉昌朝等，至是始特置此職。四年改為天章閣待講。慶曆  
二年，以趙師民預講，復為崇政殿說書。

稱謂

筆談曰：集賢院記云：開元故事，校書官許稱學士。今三館貼  
職皆稱學士，循唐典也。宋朝神宗行官制，祕書省官亦以學  
士為稱謂也。

駙馬

駙馬都尉。漢武帝元鼎二年，初置掌駙馬。駙馬都尉非正駕車者。

都尉

皆為副馬。一曰附近也。疾也。通典袁樞議曰：駙馬都尉，置由  
漢武帝以假功臣戚屬齊瓘為儀曰：凡尚公主，必拜駙馬都尉  
者。自魏晉已來，因為贈准。華以王姬之重，庶姓之輕，若不加  
等級，寧可合昏，所以假之皇女也。漢制以列侯尚公主，而魏  
何晏始以主婿拜，故後代循用為常制。蓋自晏為始也。唐韻  
曰：晉尚公主者，並加之也。

婚

國

本

皇



事物紀原集類卷第四





